

古今名劇合選

古今名劇合集

新鐫古今名劇辭江集

龍虎風雲會

元羅貫中著 明孟稱舜評點 劉啓胤訂正

伏降四國咨謀議 雪後親臨趙普第

正目

君相當時一夢中 今朝龍虎風雲會

楔子

石守信引王全斌潘美及二小卒俱戎裝上親統

貔貅百萬兵兜鑿日月侍承明朝梁暮晉何時了

定許將軍見太平下官姓石雙名守信大梁人氏

語語揚厲
如鐘鼓
喧大聲發
于水上可
稱雄傑



方今周世宗登基四方擾攘干戈不息爲我累建
大功陞授馬步親軍都指揮使統領着八十萬禁
軍得專征伐近奉聖旨招募智勇之士量才授職
這一人乃王全斌這一人乃潘美見充帳前統制
官與我入拜弟兄一同調遣兄弟但有知識當爲
國引進咱王哥哥今有馬軍副指揮使趙弘毅長
男趙匡胤文武全才智勇過人少年遊歷關西獨
行千里若得此人統領軍馬盪除艸寇何愁天下
不太平也石兄弟既有如此賢才何不蚤說可備

禮幣鞍馬差人敬徵聘者王差誰去請石可就差
統制官潘美走一遭去左右將禮幣鞍馬過來二
卒捧段幣盃甲上石你二人隨定潘美疾去蚤來
者潘得令下

賞花時石兩隻手揩磨日月新一片心扶持天地穩
向千萬里展經綸把狼烟掃盡直教龍虎會風雲

潘美去了也咱也去來下

第一折

正末扮趙匡胤引趙普鄭恩曹彬楚昭輔常服上

〔正末〕平生踪跡徧天涯四海元來是一家塗炭生
民誰救援何時正統立中華某姓趙名匡胤乃指
揮弘毅之子自幼好使鎗棒攻習韜略遊歷關陝
結識天下知名之士這箇是幽州趙普曾叅隨我
父四方征伐充帳前判官這一人乃曹彬靈壽人
氏這一人乃鄭恩大梁人氏這一人乃楚昭輔宋
州人氏皆與我相交至密結爲弟兄雖古之關張
不過如此今日無事在此間行了一會衆兄弟權
此告別明日再會齊下苗光喬道服上先天成數

久精通八卦循環掌握中歲在庚申天下定乾元
九五見真龍某姓苗名訓字光喬大梁人氏自幼
習周易先天之數兼通星緯之學如今周朝世宗
登基國步多艱某故此隱于艸澤以賣卜爲生我
見王氣正照大梁必然有真命天子出世我今在
汴梁橋下開張卦肆打掃乾淨看有甚麼人來做
鋪卦小卓上介正末引鄭恩朝服上兄弟咱別了
衆兄弟行來不覺將至城中也鄭哥哥如此武藝
雙全何不求試爲國家出力也得圖形麟閣正末

兄弟你怎生知我也呵

仙呂點絳脣四海爲家、寸心不把、名牽掛待時運通
達、我一咲安天下、

混江龍見如今奸雄爭霸、漫漫四海起黃沙、遞相吞
併、各舉征伐、後漢殘唐分正統、朝梁暮晉亂中華、豺
狼掉尾、虎豹磨牙、尸骸遍野、饑殍如麻、田疇荒廢、荆
棘交加、軍情緊急、民力疲乏、這其間生靈引領盼王
師、何時得蠻夷拱手遵王化、我只待縱橫海內、游覽
天涯、

鄭哥哥不覺行至汴梁橋下前面是一卦鋪咱教
那先生算一卦如何末也使得見苗介先生拜揖
苗慌跪介蚤知我主到來只合遠接接待不着勿
令見罪末喝介先生休胡說苗臣相人多矣主公
乃九朝八帝班頭四百年開基帝主末先生你莫
不喫酒來

油葫蘆莫不你洒力禁持眼界花請先生再覷咱我
湏不是金枝玉葉那根芽苗主公堯眉舜目禹背湯
肩真乃帝王之相也末你道我堯眉舜目堪圖畫湯

肩禹背寔稀詫、苗主公正應九五飛龍在天之數末、
頭直上又沒一片雲、渾身上又沒萬縷霞、你道我乾、
元九五飛龍卦、多管是相法內有爭差、

天下樂我本是麤魯尋常百姓家、休誇則管里迤逗、
殺這言詞蚤合該萬剛、市廛中人物稠、牆壁間耳目、
雜、但聽的不是耍、

指鄭介你相我這兄弟咱、苗這個醜人是一個兇、
神太歲不過是一路諸侯鄭、這先生好無禮如何、
說我是兇神太歲兀的不氣殺我也、

醉中天未平白地相驚唬、到大來廝躑躅、蚤則麼話
不投機一句差、鄭氣殺我也他怎敢說我殺了這箇
牛鼻子末把心上火權時納、到晚來把天文看咱明、
朗朗衆星高曜、不如你孤月光華、

潘美引二卒將禮物戎衣上奉元帥將令聘禮賢
士趙匡胤尋了這一日到卦鋪中兀的不是我索
過去做見介趙公子拜揖先生拜揖遵蒙石元帥
鈞旨因統制官王全斌舉薦閣下有文武全才徑
差潘美賁禮幣鞍馬前來聘請赴京授職閣下只

索就行苗這位將軍也是上界星象一路諸侯之
命末將軍一貌非俗不知年甲幾何潘念潘美年
二十二歲末某長兩歲就此拜爲兄弟有何不可
潘旣蒙兄長錯愛敢不盡心報答末拜介
那吒令知心的最多誰如叔牙知音的最多誰如伯
牙知兵的最多誰如子牙龍蛇混甚日分豺狼亂何
時罷爭名利使盡奸猾

鵲踏枝這個待把雲拏那個蚤被天罰氣昂昂勦業
開基眼睜睜敗國亡家一任教縱橫奮發都是些井

底鳴蛙

寄生艸傳正道無夫子、補蒼天少女媧、因此上黎民
餓死閭閻下、賢能埋沒林泉下、忠良枉死刀鎗下、亂
紛紛國政若搏沙、虛飄飄世事如嚼蠟、

潘元帥將令緊急、湏索走一遭、末先生拜別、做行

介到介、潘哥哥稍待、兄弟先通報去、潘見石跪介

蚤蒙元帥鈞旨、禮聘賢士趙匡胤已到軍前、聽令

石着進來、潘喚末進見介、石久聞賢士大名、只不

知賢士向在何處、習何武藝、末念趙匡胤自幼習

成武藝兵書韜略無所不通石你細說我聽

醉扶歸末敢把征鞍跨兵器慣曾拏甲馬營中是俺

家石既如此就畱在轅門聽用咱末拜介謝元戎相

畱納石驚起末又拜介請穩坐安然受咱容叅拜堦

墀下

石又驚起介賢士乃有福之人小官不覺驚慌不敢受禮賢士試將武藝說一遍我聽

金盞兒末論弓箭不曾差使劍戟頗熟滑提一條桿
棒行天下十八般武藝非敢道自矜誇折末鎗刀并

劍戟鞭簡共椎撾往常學成文武藝今日貨與帝王家

石既如此今日將引賢士赴闕見帝封官去咱末

今日拜識元帥又蒙引進當盡心報國石左右門

首看有甚麼人來趙普上自家趙普是也自從在

趙都指揮帳下結義大公子爲弟兄想昔日大公

子遊隨州時客于董宗本家其子董遵誨常夢黑

蛇十數丈變龍飛去旣而羣虎乘風隨之又見紫

雲如蓋凝結城上今日有人傳說元帥石守信聘

大公子授官面帝則風雲之夢足有徵也只索奉
錢一遭來到這軍門前左右通報說判官趙普見
卒子報介石着他進來普元帥拜揖大哥拜揖呀
呀哥哥可喜也小弟特來送錢此行功名不小也

賺煞末向邊塞建功勳赴京闕朝鑾駕直叩君王御
榻長朝殿太平筵宴罷出官庭擁大纛高牙天街上
擺頭踏醉醺醺把金鐙斜踏穩坐逍遙玉驄馬馬頭
前對挑着絳紗紗籠內齊燒着銀蠟那其間任香風
吹落帽簷花

同下苗光喬儒服上楚昭輔戎裝隨上某苗光喬
是也自從前者相得趙大公子有天子之分不想
被朝廷禮聘見授都點檢之職楚某一向就在軍
門聽用近日聞得北漢兵入寇朝廷命點檢出師
北伐某等亦須收拾軍裝則個呀呀好怪也你看
日下又有一日黑光相盪此天命也咱弟兄每急
急回家準備出征則個下太后宮粧法服引幼主
黃袍及石守信戎裝陶穀文扮上我乃周家太后
是也自從先帝世宗晏駕立此幼子宗訓爲君四